

სსიპ „სასწრაფო სამედიცინო დახმარების ცენტრი“



სსიპ „სასწრაფო სამედიცინო დახმარების ცენტრის“ მიერ გამარტივებული ელექტრონული ტენდერის საშუალებით სასწრაფო სამედიცინო გადაუდებელი დახმარების (CPV 85100000 – ჯანდაცვის სფეროს მომსახურებები) სახელმწიფო შესყიდვის

ს ა ტ ე ნ დ ე რ ო დ ო კ უ მ ე ნ ტ ა ც ი ა

დაფინანსების წყარო: 2017 წლის სახელმწიფო ბიუჯეტი
სავარაუდო ღირებულება: 120 000 (ასოცი ათასი) ლარი დღგ-ის გარეშე

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12¹ მუხლის და „გამარტივებული ელექტრონული ტენდერისა და ელექტრონული ტენდერის ჩატარების წესის“ შესახებ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების საფუძველზე.

ქ.თბილისი
2016 წელი

სარჩევი

1. ინსტრუქცია ტენდერში მონაწილეთათვის.....	3
2. ტექნიკური დავალება	6
3. სახელმწიფო შესყიდვის შესახებ ხელშეკრულების პროექტი.....	8
4. დამატებითი დოკუმენტაცია	12
დანართი №1	13
დანართი №2	14
დანართი №3	15

1. ინსტრუქცია ტენდერში მონაწილეთათვის

- 1.1. სახელმწიფო შესყიდვების ერთიან ელექტრონულ სისტემაში (შემდგომში – „სისტემა“) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.
- 1.2. სატენდერო წინადადების წარდგენისათვის უნდა იყოს დარეგისტრირებული სისტემაში მიმწოდებლის სტატუსით. შემდეგ ვალდებული ხარო გაეცნოს აფიდავიტს და დაეთანხმოს მას (გაცნობას და თანხმობას ადასტურებთ სისტემის მეშვეობით, აფიდავიტის საილუსტრაციო ფორმა იხ. დანართი №3).
- 1.3. ამის შემდეგ, „მიმწოდებელი“ ვალდებულია ჯერ წარმოადგინოს სატენდერო წინადადების უზრუნველყოფის ელექტრონული გარანტია, ხოლო შემდეგ გადაიხადოს ტენდერში მონაწილეობის საფასური.
- 1.4. სატენდერო წინადადების უზრუნველყოფის ელექტრონული გარანტია წარმოდგენილი უნდა იქნას სატენდერო განცხადებაში მითითებული სავარაუდო ღირებულების 1%-ის ოდენობით.
- 1.5. წინადადებების წარდგენისათვის საფასურის ოდენობა შეადგენს 50 ლარს.
- 1.6. ელექტრონული გარანტიის წარდგენისა და საფასურის გადახდის სისტემაში არსებული ავტომატური საშუალებების გაუმართაობის შემთხვევაში, ყოველ კონკრეტულ ტენდერში, ელექტრონული გარანტიის წარდგენა და საფასურის გადახდა შესაძლებელია განხორციელდეს სააგენტოსთან შეთანხმებით, ტექნიკური დოკუმენტაციის სისტემაში ატვირთვამდე, სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესით“ გათვალისწინებული პროცედურების გამოყენებით. აღნიშნული ქმედებების განხორციელების გარეშე თქვენ არ გექნებათ სატენდერო წინადადების წარდგენისა და, შესაბამისად, ტენდერში მონაწილეობის შესაძლებლობა.
- 1.7. ამ ინსტრუქციის 1.6. პუნქტით გათვალისწინებულ შემთხვევაში, როდესაც ხდება ელექტრონული გარანტიის წარდგენა და საფასურის გადახდა სისტემის გამოყენების გარეშე, ელექტრონული გარანტიის დედანი და საფასურის გადახდის დამადასტურებელი დოკუმენტი წარედგინება შემსყიდველ ორგანიზაციას. აღნიშნული ქმედებების განხორციელების გარეშე თქვენ არ გექნებათ სატენდერო წინადადების წარდგენისა და, შესაბამისად, ტენდერში მონაწილეობის შესაძლებლობა.
- 1.8. სატენდერო წინადადების უზრუნველყოფის ელექტრონული გარანტიის ოდენობა შეადგენს შესყიდვის ობიექტის სავარაუდო ღირებულების 1 (ერთი) პროცენტს, ელექტრონული გარანტიის მოქმედების ვადა უნდა განისაზღვროს.
- 1.9. გამარტივებული ელექტრონული ტენდერის შემთხვევაში - არანაკლებ 120 (ასოცი) კალენდარული დღით, ეტაპიდან - „წინადადების მიღება დაწყებულია“;
- 1.10. ელექტრონული ტენდერის შემთხვევაში - არანაკლებ 160 (ასამოცი) კალენდარული დღით, ეტაპიდან - „წინადადების მიღება დაწყებულია“.
- 1.11. ტენდერში მონაწილეობის მისაღებად პრეტენდენტს შეუძლია წარადგინოს წინადადება სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ლ“ ქვეპუნქტით გათვალისწინებულ ეტაპზე. პრეტენდენტის მიერ წარდგენილი წინადადება ძალაშია აღნიშნული წესის მე-2 მუხლის პირველი პუნქტის „ქ“, „რ“ ან „ტ“ ქვეპუნქტებით გათვალისწინებული ეტაპის დადგომამდე.
- 1.12. სატენდერო წინადადება შედგება სატენდერო წინადადების ფასისგან და ტექნიკური დოკუმენტაციისგან.
- 1.13. ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრეტენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციით, გარდა ადმინისტრაციული ორგანოდან წარმოსადგენი საკვალიფიკაციო მონაცემების დამადასტურებელი დოკუმენტებისა.
- 1.14. წინადადების წარდგენის დროს პირველ რიგში სისტემაში უნდა აიტვირთოს ტექნიკური დოკუმენტაცია, რომელიც უნდა შეიცავდეს წარმოდგენილი შესყიდვის ობიექტის ტექნიკურ და ხარისხობრივ აღწერას. ამის შემდეგ სისტემის შესაბამის ველში უნდა მიეთითოს წინადადების ფასი (ეროვნულ ვალუტაში), რომელიც არ უნდა აღემატებოდეს შესყიდვის ობიექტის ღირებულებას ან უნდა იყოს შესყიდვის ობიექტის სავარაუდო ღირებულებაზე სულ მცირე ერთი ბიჯით ნაკლები.
- 1.15. ბიჯი არის სატენდერო წინადადების ფასის კლების წინასწარ განსაზღვრული მინიმალური ოდენობა, რომელიც მითითებულია სატენდერო განცხადების შესაბამის ველში.
- 1.16. სატენდერო წინადადების ფასის მითითებისთანავე თქვენ უფლება გაქვთ მიიღოთ მონაწილეობა ელექტრონულ ვაჭრობაში, რომელიც იყოფა ძირითად დროდ და დამატებით 3 რაუნდად.
- 1.17. ელექტრონული ვაჭრობის დამატებითი სამი რაუნდი იწყება ძირითადი დროის დასრულებისთანავე. პირველი დამატებითი რაუნდი იწყება ხუთწუთიანი შესვენებით, ხოლო შემდგომი მთლიანობით დამატებითი რაუნდის დაწყებამდე მიმდინარეობს ორწუთიანი შესვენება. თითოეულ რაუნდში პრეტენდენტს უფლება აქვს მხოლოდ ერთხელ შეამციროს წინადადების ფასი, რისთვისაც თითოეულ პრეტენდენტს განესაზღვრება ორი წუთი. დამატებით რაუნდებში მონაწილეობა სავალდებულო არ არის და პრეტენდენტს უფლება აქვს რაუნდში მონაწილეობა არ მიიღოს და, შესაბამისად, ძალაში დარჩება მის მიერ ბოლოს დაფიქსირებული ფასი. რაუნდებში მონაწილეობის მიღება გულისხმობს ზემოთ აღნიშნული პრინციპით ფასის შემცირებას ან მის იგივე ოდენობით დატოვებას.
- 1.18. დამატებით რაუნდებში მონაწილეობის უფლება აქვთ მხოლოდ იმ პრეტენდენტებს, რომლებმაც ძირითად დროში წარადგინეს წინადადება დადგენილი წესით. პირველ რაუნდში პრეტენდენტის მიერ წინადადების ფასის წარდგენის რიგითობა განისაზღვრება ძირითად დროში წარდგენილი წინადადების ფასის მიხედვით, კერძოდ, პირველ რაუნდში პირველ შეთავაზებას აკეთებს ის პრეტენდენტი, რომელმაც ძირითად დროში ყველაზე მაღალი ფასი დააფიქსირა, ხოლო ყოველ მომდევნო რაუნდში კი - ის პრეტენდენტი, რომელმაც წინა რაუნდში ყველაზე მაღალი ფასი დააფიქსირა. წინადადების თანაბარი ფასების დაფიქსირების შემთხვევაში, რაუნდში პირველ შეთავაზებას აკეთებს ის პრეტენდენტი, რომელმაც ბოლომ დააფიქსირა ასეთი ფასი.
- 1.19. მას შემდეგ, რაც დასრულდება დამატებითი რაუნდები, სისტემა პრეტენდენტებს აჯგუფებს სატენდერო წინადადების ფასის მიხედვით. ამის შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის ტექნიკური დოკუმენტაცია.
- 1.20. იმ შემთხვევაში თუ ორი ან მეტი პრეტენდენტის მიერ სისტემაში მითითებულია თანაბარი ფასი, სისტემა ავტომატურად ანიჭებს უპირატესობას იმ პრეტენდენტს, რომელმაც პირველმა მიუთითა სატენდერო წინადადების აღნიშნული ფასი.
- 1.21. თუ პრეტენდენტის მიერ წარმოდგენილი ტექნიკური დოკუმენტაცია არ შეიცავს ისეთ მონაცემს ან/და შეიცავს ისეთ უზუსტობებს, რომელთა წარმოდგენა ან/და დაზუსტება არ გამოიწვევს ტექნიკური დოკუმენტაციის არსებით ცვლილებას და არ მოახდენს გავლენას წინადადების ფასზე, შემსყიდველი მას განუსაზღვრავს გონივრულ ვადას, მაგრამ არაუმეტეს 3 (სამი) სამუშაო დღისა ტექნიკური დოკუმენტაციის დაზუსტებისათვის.

- 1.22. თუ პრეტენდენტის ტექნიკური დოკუმენტაცია შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი ორგანიზაცია მიმართავს მას ადმინისტრაციული ორგანოს მიერ გასაცემი საკვალიფიკაციო მონაცემების დამადასტურებელი დოკუმენტების წარმოდგენის მოთხოვნით, რისთვისაც განუსაზღვრავს გონივრულ ვადას, მაგრამ არაუმეტეს 5 (ხუთი) სამუშაო დღისა.
- 1.23. იმ შემთხვევაში თუ სატენდერო დოკუმენტაციით მოთხოვნილია საკვალიფიკაციო მონაცემების წარმოდგენა, პრეტენდენტის მიერ წარმოსადგენი საკვალიფიკაციო მონაცემების დამადასტურებელი დოკუმენტები გაცემულ უნდა იყოს:
- 1.24. გამარტივებული ელექტრონული ტენდერის შემთხვევაში: „ტენდერი გამოცხადებულია“ ეტაპის დაწყების შემდეგ, ხოლო არარეზიდენტი პრეტენდენტის შემთხვევაში – „ტენდერი გამოცხადებულია“ ეტაპის დაწყებამდე არა უგვიანეს 30 (ოცდაათი) დღისა;
- 1.25. ელექტრონული ტენდერის შემთხვევაში: „წინადადებების მიღება დაწყებულია“ ეტაპის შემდეგ, ხოლო არარეზიდენტი პრეტენდენტის შემთხვევაში – „წინადადებების მიღება დაწყებულია“ ეტაპის დაწყებამდე არა უგვიანეს 30 (ოცდაათი) დღისა.
- 1.26. პრეტენდენტმა საქართველოს კანონმდებლობით დადგენილი ფორმით გაცემული საკვალიფიკაციო მონაცემების დამადასტურებელი დოკუმენტები შემსყიდველ ორგანიზაციას უნდა წარუდგინოს სისტემის მეშვეობით, საკვალიფიკაციო მონაცემების დამადასტურებელი დოკუმენტების საქართველოს კანონმდებლობით დადგენილი ფორმით წარმოდგენის ვალდებულება პრეტენდენტს წარმოეშობა ხელშეკრულების ხელმოწერის მომენტისათვის.
- 1.27. თეთრ სიაში დარეგისტრირებული „მიმწოდებელი“ თავისუფლდება გამარტივებულ ელექტრონულ ტენდერში/ელექტრონულ ტენდერში საკვალიფიკაციო მონაცემების დამადასტურებელი დოკუმენტების წარდგენის ვალდებულებისაგან, იმის მიუხედავად ითვალისწინებს თუ არა სატენდერო დოკუმენტაცია საკვალიფიკაციო მონაცემების დამადასტურებელი დოკუმენტების მოთხოვნას.
- 1.28. ტენდერში ამხანაგობის მონაწილეობა
- 1.29. ტენდერში ერთობლივად მონაწილეობის მიზნით, ორ ან რამდენიმე მიმწოდებელს უფლება აქვს, გაერთიანდეს ერთობლივი საქმიანობის (ამხანაგობის) ხელშეკრულებით.
- 1.30. ერთობლივი საქმიანობის (ამხანაგობის) ხელშეკრულებას მიმწოდებლები აფორმებენ წერილობითი ფორმით, რომელსაც ხელს უნდა აწერდეს მისი ყველა მონაწილე. მონაწილეთა შეთანხმებით, ხელშეკრულება ან მათი ხელმოწერების ნამდვილობა უნდა დაამოწმოს ნოტარიუსმა ან კანონით გათვალისწინებულმა სხვა პირმა. ხელშეკრულება უნდა შეიცავდეს საქართველოს სამოქალაქო კოდექსის 931-ე მუხლის მე-2 ნაწილით განსაზღვრულ პირობებს. ამასთან, მიმწოდებლები ხელშეკრულების პირობებზე შეთანხმებისას ვალდებული არიან, გაითვალისწინონ, რომ:
- 1.31. ერთობლივი საქმიანობის (ამხანაგობის) ხელშეკრულების მოქმედების ვადა არ შეიძლება იყოს სახელმწიფო შესყიდვის შესახებ ხელშეკრულებ(ებ)ის მოქმედების ვადაზე ნაკლები;
- 1.32. სახელმწიფო შესყიდვის შესახებ ხელშეკრულებ(ებ)ის ფარგლებში ნაკისრი ვალდებულებების შესრულებამდე, დაუშვებელია ამხანაგობის მონაწილის შეცვლა ან დამატება;
- 1.33. სახელმწიფო შესყიდვის შესახებ ხელშეკრულებ(ებ)ის ფარგლებში ნაკისრი ვალდებულებების შესრულებამდე, ამხანაგობიდან მისი ერთ-ერთი მონაწილის გასვლა იწვევს ერთობლივი საქმიანობის შეწყვეტას;
- 1.34. ამხანაგობა შემსყიდველი ორგანიზაციის წინაშე წარმოდგენილი უნდა იყოს მის ხელმძღვანელობასა და წარმომადგენლობაზე უფლებამოსილი ფიზიკური პირით, რომელიც შეირჩევა ამხანაგობის მონაწილეთაგან.
- 1.35. ერთობლივი საქმიანობის (ამხანაგობის) ხელშეკრულების გაფორმების შემდეგ, ამხანაგობა ვალდებულია, დადგენილი წესით, დადგეს საგადასახადო აღრიცხვაზე და დარეგისტრირდეს სისტემაში. სისტემაში რეგისტრაციისთვის აუცილებელია ამხანაგობის მონაწილე ყველა მიმწოდებელი იყოს რეგისტრირებული სისტემაში. ამხანაგობის პროფილში მიეთითება მისი მონაწილე მიმწოდებლების რეკვიზიტები და იტვირთება ერთობლივი საქმიანობის (ამხანაგობის) ხელშეკრულება (არსებობის შემთხვევაში, ატვირთვას ექვემდებარება ამ ხელშეკრულებაში შემდგომი ცვლილებებიც).
- 1.36. ტენდერში ამხანაგობა მონაწილეობას იღებს და სატენდერო წინადადებას წარადგენს, როგორც დამოუკიდებელი პრეტენდენტი. ამხანაგობასა და მის მონაწილეებს ეკრძალებათ ერთსა და იმავე ტენდერში ინდივიდუალურად მონაწილეობა. ასეთ შემთხვევაში, ამხანაგობა და მისი მონაწილე/მონაწილეები ექვემდებარებიან დისკვალიფიკაციას სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ მე-13 მუხლის მე-2 პუნქტის „ზ“ ქვეპუნქტის საფუძველზე.
- 1.37. ამხანაგობის მონაწილეები უფლებამოსილი არიან, შეასრულონ ხელშეკრულებით გათვალისწინებული ვალდებულებების სხვადასხვა ნაწილი, თუ შესაძლებელია მათი გამოცალკევება მთლიანი ვალდებულებიდან და დამოუკიდებლად შესრულება, იმგვარად, რომ აღნიშნულმა, აღბათობის მაღალი ხარისხით, არ უნდა გამოიწვიოს საბოლოო შედეგის განადგურება, დაზიანება ან/და შედეგით სარგებლობის შეუძლებლობა. ამხანაგობის მონაწილეებმა ტექნიკურ დოკუმენტაციაში მკაფიოდ უნდა განსაზღვრონ, თუ თითოეული მონაწილე კონკრეტულად რომელ ვალდებულებას შეასრულებს სახელმწიფო შესყიდვის შესახებ ხელშეკრულების ფარგლებში.
- 1.38. ამხანაგობის მიერ სატენდერო პირობების დაკმაყოფილების საკითხი განიხილება შემდეგნაირად:
- 1.39. ამხანაგობის მონაწილეთა ტექნიკური დოკუმენტაციის სატენდერო პირობებთან შესაბამისობა დგინდება მონაწილის მიერ შესასრულებელი ვალდებულებისადმი დადგენილ მოთხოვნასთან მიმართებით. ამასთან, დასაშვებია ამხანაგობის მონაწილეთა ფინანსური და მატერიალურ-ტექნიკური შესაძლებლობების დაჯამება, ხოლო არ დაიშვება გამოცდილების შეკრება;
- 1.40. საკვალიფიკაციო მონაცემების დამადასტურებელი დოკუმენტები (მათი მოთხოვნის შემთხვევაში) შემსყიდველ ორგანიზაციას წარედგინება, როგორც ამხანაგობის, ასევე მისი მონაწილეების შესახებ.
- 1.41. თუ ერთობლივი საქმიანობის (ამხანაგობის) ხელშეკრულება არ არის გაფორმებული 1.30 ქვეპუნქტის შესაბამისად, ამხანაგობამ არ იმოქმედა 1.35 ქვეპუნქტის მიხედვით ან ამხანაგობის ტექნიკური დოკუმენტაცია არ არის შედგენილი 1.38 ქვეპუნქტის მოთხოვნათა გათვალისწინებით, ამხანაგობა ექვემდებარება დისკვალიფიკაციას სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ მე-13 მუხლის მე-2 პუნქტის „ა“ ქვეპუნქტის საფუძველზე.
- 1.42. ტენდერში მონაწილეობა ეკრძალება იმ ამხანაგობას, რომლის მონაწილეც რეგისტრირებულია შავ სიაში.
- 1.43. ერთობლივი საქმიანობის (ამხანაგობის) მონაწილეები შემსყიდველი ორგანიზაციის წინაშე პასუხს აგებენ სოლიდარულად.
- 1.44. თუ ამხანაგობის მიმართ წარმოიშვა შავ სიაში რეგისტრაციის საფუძველი, სააგენტოს სათანადო გადაწყვეტილება მიიღება, როგორც ამხანაგობის, ასევე მისი მონაწილეების მიმართ.
- 1.45. ერთობლივი საქმიანობის შეწყვეტა იწვევს სახელმწიფო შესყიდვის შესახებ ხელშეკრულებ(ებ)ის შეწყვეტას. ამასთან, ერთობლივი საქმიანობის (ამხანაგობის) მონაწილეები პასუხს აგებენ სახელმწიფო შესყიდვის შესახებ ხელშეკრულებ(ებ)ის შეწყვეტით დამდგარი შედეგისთვის.

1.46. ერთობლივი საქმიანობის (ამხანაგობის) ხელშეკრულებასთან დაკავშირებული სამართალურთიერთობები, ამ მუხლის თავისებურებათა გათვალისწინებით, წესრიგდება საქართველოს სამოქალაქო კოდექსით.

1.47. იმ შემთხვევაში თუ ყველაზე დაბალი ფასის მქონე პრეტენდენტმა წარმატებით გაიარა ყველა ზემოთ მოყვანილი ეტაპი (არ იქნა დისკვალიფიცირებული), ამ პრეტენდენტის მიერ საკვალიფიკაციო მონაცემების დამადასტურებელი დოკუმენტების წარდგენიდან არაუგვიანეს 5 სამუშაო დღისა, შემსყიდველი დებს მასთან სახელმწიფო შესყიდვების შესახებ ხელშეკრულებას.

1.48. პრეტენდენტი ექვემდებარება დისკვალიფიკაციას შემდეგ შემთხვევებში:

ა) თუ პრეტენდენტის მიერ წარმოდგენილი ტექნიკური დოკუმენტაცია, სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ მე-12 მუხლის მე-5 პუნქტის გათვალისწინებით, არ შეესაბამება სატენდერო განცხადებას ან/და სატენდერო დოკუმენტაციას;

ბ) თუ პრეტენდენტის მიერ წარმოდგენილი საკვალიფიკაციო მონაცემების დამადასტურებელი დოკუმენტები არ შეესაბამება სატენდერო განცხადებას ან/და სატენდერო დოკუმენტაციას;

გ) თუ ის არ დააზუსტებს ტექნიკურ დოკუმენტაციას სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესი“-ს მე-12 მუხლის მე-8 პუნქტით დადგენილ ვადაში;

დ) თუ პრეტენდენტი არ წარმოადგენს საკვალიფიკაციო მონაცემების დამადასტურებელ დოკუმენტებს ამ წესის მოთხოვნათა დაცვით;

ე) თუ პრეტენდენტი არის სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესი“-ს მე-15 მუხლის პირველ პუნქტით გათვალისწინებული გამარჯვებული პრეტენდენტი და უარს აცხადებს სახელმწიფო შესყიდვის შესახებ ხელშეკრულების დადებაზე ან არ წარმოადგენს ხელშეკრულების შესრულების უზრუნველყოფის გარანტიას;

ვ) თუ სახელმწიფო შესყიდვის შესახებ ხელშეკრულების დადების უფლების მოპოვების მიზნით, ჩაიდენს არაკეთილსინდისიერ ქმედებას“.

1.49. ამ ინსტრუქციის 1.48. ქვეპუნქტით გათვალისწინებულ შემთხვევებში, შემსყიდველ ორგანიზაციას უფლება აქვს მიმართოს ყველაზე დაბალი ფასის მქონე მომდევნო პრეტენდენტს, თუ ამ პრეტენდენტის მიერ სისტემაში ატვირთული ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში მოცემულ მოთხოვნებს.

1.50. გამარტივებული ელექტრონული ტენდერის ან ელექტრონული ტენდერის ჩატარებისას, სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ა“, „ბ“ და „გ“ ქვეპუნქტებით გათვალისწინებული ეტაპის შემდეგ ელექტრონული გარანტია უბრუნდება პრეტენდენტს, გარდა იმ შემთხვევებისა, როდესაც:

ა) პრეტენდენტი უარს იტყვის თავის სატენდერო წინადადებაზე;

ბ) პრეტენდენტი შეყვანილია შავ სიაში შესაბამისი ტენდერის ჩატარების შედეგად;

გ) პრეტენდენტი დისკვალიფიცირებულია ამ წესის მე-13 მუხლის მე-2 პუნქტის „ბ“, „გ“, „ე“ და „ზ“ ქვეპუნქტების შესაბამისად.

დ) იმ შემთხვევაში, თუ ელექტრონული გარანტიის პრეტენდენტისათვის დაბრუნება მოხდება ამ ინსტრუქციის 1.50. პუნქტით დადგენილი პირობების დარღვევით, პრეტენდენტი ვალდებულია სახელმწიფო შესყიდვების სააგენტოს დაუბრუნოს საგარანტო თანხა შესაბამისი მოთხოვნისთანავე.

1.51. ელექტრონული ტენდერის შეწყვეტა:

ა) სატენდერო კომისიას უფლება აქვს შეწყვიტოს ტენდერი, თუ ყველაზე დაბალი ფასის მქონე პრეტენდენტის დისკვალიფიკაციის შემდეგ, მომდევნო ყველაზე დაბალი ფასის მქონე პრეტენდენტის წინადადების ფასი ბაზარზე შეცვლილი გარემოებების შედეგად, მნიშვნელოვნად აღემატება დისკვალიფიცირებული პრეტენდენტის მიერ შემოთავაზებულ ფასს ან/და ამ შესყიდვის ობიექტის საბაზრო ღირებულებას.

ბ) სატენდერო კომისიას უფლება აქვს გამარტივებული ელექტრონული ტენდერისა და ელექტრონული ტენდერის შემთხვევებში ხელშეკრულების დადებად ნებისმიერ დროს შეწყვიტოს შესყიდვის პროცედურა, თუ ეს აუცილებელი გახდება მისგან დამოუკიდებელი და წინასწარ გაუთვალისწინებელი ობიექტური მიზეზებით, აგრეთვე საქართველოს სახელმწიფო ან/და საზოგადოებრივი ინტერესებიდან გამომდინარე;

გ) შესყიდვის პროცედურების შეწყვეტის შემთხვევაში შემსყიდველი ორგანიზაცია ვალდებული არ არის, შესყიდვაში მონაწილე პირებს წარუდგინოს კონკრეტული მტკიცებულება ან დეტალური ინფორმაცია, რომლის საფუძველზედაც მიიღო ეს გადაწყვეტილება. შესყიდვის პროცედურების შეჩერებისას ან შეწყვეტისას შემსყიდველი ორგანიზაცია ვალდებული არ არის, აანაზღაუროს შესყიდვაში მონაწილეობასთან დაკავშირებული ხარჯები.

1.52. ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.53. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.54. სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

1.55. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.56. პრეტენდენტს არა აქვს უფლება წარმოადგინოს ალტერნატიული წინადადება.

1.57. ტენდერში მონაწილეობის შესახებ დამატებითი ინფორმაცია იხ. ელ. მისამართზე:

<http://procurement.gov.ge/getattachment/ELibrary/Manuals/UG-5-02.pdf.aspx>

2. ტექნიკური დავალება

2.1. შესყიდვის ობიექტი:

2.1.1. დაბა ბაკურიანში კოხტასა და მიტარბის, სვანეთში თეთნულდისა და აჭარაში კურორტ გოდერძის სამთო-სათხილამურო კურორტებზე სასწრაფო სამედიცინო დახმარების მომსახურების სახელმწიფო შესყიდვა.

2.2. მომსახურების მიწოდების ვადა:

2.2.1. მომსახურების მიწოდების ვადაა 2017 წლის 1 იანვრიდან 2017 წლის 31 მარტის ჩათვლით.

2.3. მომსახურების მიწოდების პირობები:

2.3.1. მიმწოდებელმა მომსახურების განხორციელებისას უნდა იხელმძღვანელოს საქართველოს მოქმედი კანონმდებლობის შესაბამისად.

2.3.2. მომსახურების მიწოდება უნდა განხორციელდეს დაბა ბაკურიანში კოხტასა და მიტარბის ტერიტორიაზე არანაკლებ 2 (ორი) სამედიცინო ბრიგადით, სვანეთში თეთნულდის ტერიტორიაზე 1 (ერთი) სამედიცინო ბრიგადითა და აჭარაში კურორტ გოდერძიზე 1 (ერთი) სამედიცინო ბრიგადით, 24 საათის განმავლობაში.

2.3.3. სამედიცინო ბრიგადა უნდა დაკომპლექტდეს შემდეგნაირად: 1 ექიმი, 1 მედდა/ექთანი, 1 მძღოლი.

2.3.4. სამედიცინო პერსონალი უნდა აკმაყოფილებდეს საქართველოს შრომის, ჯანმრთელობისა და სოციალური დაცვის მინისტრის 2015 წლის 8 ოქტომბრის N01-46/ნ ბრძანების შესაბამის მოთხოვნებს.

2.3.5. მომსახურების მიწოდება უნდა განხორციელდეს 4 (ოთხი) ერთეული მაღალი გამავლობის სასწრაფო სამედიცინო დახმარების მანქანით, რომელთა ექსპლუატაციის ვადა 2016 წლისთვის არ უნდა აღემატებოდეს 19 (ცხრამეტი) წელს.

2.3.6. მიმწოდებელმა უნდა უზრუნველყოს სასწრაფო სამედიცინო დახმარების ავტომობილების სასწრაფო ბაზისური მედიკამენტებითა და ბაზისური სამედიცინო დანიშნულების საგნებით აღჭურვა **საქართველოს შრომის, ჯანმრთელობისა და სოციალური დაცვის მინისტრის 2012 წლის 3 აპრილის №01- 17/ნ ბრძანების შესაბამისად.**

2.3.7. მიმწოდებელმა უნდა უზრუნველყოს შემსყიდველ ორგანიზაციასთან უწყვეტ რეჟიმში (24 საათის განმავლობაში) კავშირი, გამომახებების მიღება და დროული რეაგირება.

2.3.8. მიმწოდებელი შეასრულებს შემსყიდველის მიერ გადაცემული გამომახებების მოსახურებას და საჭიროების შემთხვევაში განახორციელებს ჰოსპიტალიზაციას მხოლოდ შემსყიდველი ორგანიზაციის მიერ მითითებულ კლინიკაში.

2.4. მომსახურების მიწოდების ადგილი:

2.4.1. დაბა ბაკურიანში კოხტასა და მიტარბის, სვანეთში თეთნულდისა და აჭარაში კურორტ გოდერძის სამთო-სათხილამურო კურორტები.

შენიშვნა:

• თუ ელექტრონული ვაჭრობის შედეგად, ერთიან ელექტრონულ სისტემაში დაფიქსირებული საბოლოო ფასიდან გამომდინარე, ერთეულის ფასები წარმოდგება მრავალნიშნა ათწილადის სახით, გამარჯვებული პრეტენდენტი ვალდებულია ხელშეკრულების გაფორმების მომენტისთვის შეამციროს ერთეულის ფასი და დაამრგვალოს მესაღებამდე. შესაბამისად, შეამციროს საერთო ფასიც;

• საქართველოს საგადასახადო კოდექსის 168-ე მუხლის პირველი პუნქტის „კ“ ქვეპუნქტის თანახმად, საგარეო-ეკონომიკური საქმიანობის ეროვნული სასაქონლო ნომენკლატურის (სეს ესნ) დამტკიცების თაობაზე 2012 წლის 11 ივლისის N241 ბრძანებით დადგენილი ნუსხის მიხედვით სამკურნალო (ფარმაცევტული) მიზნებისათვის განკუთვნილი საგარეო-ეკონომიკური საქმიანობის ეროვნული სასაქონლო ნომენკლატურის 28-ე და 29-ე ჯგუფით გათვალისწინებული წარმოდგენილი ნედლეულისა და სუბსტანციების (ყანგბადი) მიწოდება ან/და იმპორტი გათვალისწინებულია დღგ-ს გადასახადისგან, შესაბამისად, გამარჯვებულ პრეტენდენტთან ხელშეკრულების დადებისას, ხელშეკრულების ღირებულებაში დამატებით არ იქნება გათვალისწინებული დღგ-ს ოდენობა.

2.5. ანგარიშსწორება

2.5.1. „მომსახურების“ ღირებულების ანაზღაურება მოხდება უნაღდო ანგარიშსწორებით, ეროვნულ ვალუტა - ლარში.

2.5.2. ანგარიშსწორება „შემსყიდველის“ მიერ მოხდება „მომსახურების“ მიწოდების თაობაზე მხარეთა შორის შესაბამისი მიღება-ჩაბარების აქტ(ებ)ის გაფორმებიდან და „მიმწოდებლის“ მიერ საქართველოს კანონმდებლობით გათვალისწინებული შესაბამისი საგადასახადო დოკუმენტაციის წარდგენიდან არაუგვიანეს 10 (ათი) სამუშაო დღის განმავლობაში.

2.5.3. მიღება-ჩაბარების აქტ(ებ)ის გაფორმებასთან ერთად, „მიმწოდებელი“ ვალდებულია წარმოუდგინოს „შემსყიდველს“ საქართველოს კანონმდებლობით გათვალისწინებული შესაბამისი საგადასახადო დოკუმენტაცია, წინააღმდეგ შემთხვევაში, „შემსყიდველს“ უფლება აქვს უარი თქვას ანგარიშსწორებაზე.

2.6. დამატებითი მოთხოვნები

2.6.1. სატენდერო წინადადება და თანმხლები დოკუმენტაცია შედგენილი უნდა იქნეს ქართულ ენაზე.

2.6.2. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

2.6.3. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

2.7. ფასწარმოქმნის ადეკვატურობა

2.7.1. იმ შემთხვევაში თუ ტენდერში ყველაზე დაბალი ფასის მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალი იქნება შესყიდვის ობიექტის სავარაუდო ღირებულებაზე, პრეტენდენტს მოეთხოვება ფასწარმოქმნის ადეკვატურობის დასაბუთება, რისთვისაც შემსყიდველის მიერ განესაზღვრება არაუმეტეს 3 (სამი) სამუშაო დღე. ფასწარმოქმნის ადეკვატურობის დასაბუთება უნდა მოხდეს ყოველი კონკრეტული შემთხვევიდან გამომდინარე პრეტენდენტის მიერ. ფასწარმოქმნის ადეკვატურობა შესაძლებელია დასაბუთდეს შესყიდვის ობიექტის მოწოდებასთან დაკავშირებით გაფორმებული ხელშეკრულებით,, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

2.7.2. ფასწარმოქმნის ადეკვატურობის დასაბუთების წარმოუდგენლობა გამოიწვევს პრეტენდენტის დისკვალიფიკაციას „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავჯდომარის 2011 წლის 7 აპრილის #9 ბრძანებით დამტკიცებული წესის მე-13 მუხლის მე-2 პუნქტის „ა“ ქვეპუნქტის საფუძველზე. პრეტენდენტის მიერ წარდგენილი ფასწარმოქმნის ადეკვატურობის დასაბუთება დაზუსტებას არ ექვემდებარება.

2.8. ქვეკონტრაქტორი

2.8.1. პრეტენდენტი ვალდებულია ქვეკონტრაქტორის არსებობის შემთხვევაში წარმოადგინოს შესაბამისი ინფორმაცია დანართი N3 შესაბამისად;

2.8.2. შემსყიდველის მოთხოვნის შემთხვევაში, ფასწარმოქმნის ადეკვატურობის დასაბუთების ვალდებულება გავრცელდება ქვეკონტრაქტორზეც.

2.8.3. შემსყიდველის მოთხოვნის შემთხვევაში, პრეტენდენტი ვალდებულია წარმოადგინოს ქვეკონტრაქტორის მიერ წერილობითი თანხმობა, სატენდერო დოკუმენტაციით მოთხოვნილი ვალდებულების შესრულების შესახებ.

2.8.4. ქვეკონტრაქტორი არ უნდა იყოს სახელმწიფო შესყიდვების სააგენტოს შავ სიაში რეგისტრირებული.

2.8.5. იმ შემთხვევაში თუ პრეტენდენტს, ტენდერისათვის „წინადადებების მიღება დასრულებულია“ სტატუსის მინიჭების შემდეგ, წარმოეშობა ქვეკონტრაქტორი, ამ შესახებ წერილობით უნდა აცნობოს „შემსყიდველს“.

2.9. პრეტენდენტის მიერ, სისტემაში ატვირთული სატენდერო წინადადება უნდა შეიცავდეს შემდეგ დოკუმენტებსა და ინფორმაციას:

2.9.1. პრეტენდენტის რეკვიზიტები, სატენდერო წინადადების მოქმედების ვადა, ანგარიშსწორების პირობები, სატენდერო დოკუმენტაციის დანართი №1-ის მიხედვით;

2.9.2. ფასების ცხრილი დანართი №2-ის მიხედვით;

2.9.3. მოსაწოდებელი მომსახურების/მომსახურების დეტალური აღწერა;

2.9.4. საქართველოს შრომის, ჯანმრთელობისა და სოციალური დაცვის მინისტრის 2006 წლის 03 თებერვლის N32/ნ ბრძანებით, საქართველოს შრომის, ჯანმრთელობისა და სოციალური დაცვის სამინისტროს სამედიცინო საქმიანობის სახელმწიფო რეგულირების სააგენტოს მიერ გაცემული სალიცენზიო მოწმობა.

3. სახელმწიფო შესყიდვის შესახებ ხელშეკრულების პროექტი

ერთი მხრივ, სსიპ „სასწრაფო სამედიცინო დახმარების ცენტრი“, შემდგომში „შემსყიდველი“, წარმოდგენილი მისი დირექტორის დავით ტორუას სახით და მეორე მხრივ, _____ შემდგომში „მიმწოდებელი“, წარმოდგენილი მისი დირექტორის _____ სახით, ორივე ერთად წოდებული როგორც „მხარეები“, საქართველოს მოქმედი კანონმდებლობის, „სახელმწიფო შესყიდვების შესახებ“ საქართველოს კანონის 10¹ მუხლის პირველი პუნქტის, ამავე კანონის 16¹ მუხლის პირველი და მე-8 პუნქტის, „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ საქართველოს შესყიდვების სააგენტოს თავმჯდომარის 2011 წლის 7 აპრილის N9 ბრძანების მე-15 მუხლის პირველი პუნქტის, მე-19 მუხლის მე-6 პუნქტის შესაბამისად, ვდებთ წინამდებარე ხელშეკრულებას შემდეგზე:

1. ტერმინთა განმარტებები

- 1.1. „ხელშეკრულებაში“ გამოყენებულ ტერმინებს აქვს შემდეგი მნიშვნელობა:
 - 1.1.1. „ხელშეკრულება სახელმწიფო შესყიდვის შესახებ“ (შემდგომში „ხელშეკრულება“) – „შემსყიდველს“ და „მიმწოდებელს“ შორის დადებული „ხელშეკრულება“, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომელზეც ხელშეკრულებაში მინიშნებებია;
 - 1.1.2. „ხელშეკრულების ღირებულება“ – თანხა, რომლის გადახდის ვალდებულება ეკისრება „შემსყიდველს“ „მიმწოდებლის“ მიერ „ხელშეკრულებით“ ნაკისრი ვალდებულებ(ებ)ის სრული და ზედმიწევნით შესრულებისთვის;
 - 1.1.3. „დღე“, „კვირა“, „თვე“ – სამუშაო დღე, კვირა, თვე;
 - 1.1.4. „შემსყიდველი“ – ორგანიზაცია, რომელიც ახორციელებს შესყიდვას;
 - 1.1.5. „მიმწოდებელი“ – პირი, რომელიც ახორციელებს „მომსახურების“ მიწოდებას „ხელშეკრულების“ პირობების შესაბამისად;
 - 1.1.6. „მხარეები“ – „შემსყიდველი“, რომელიც ახორციელებს შესყიდვას და „მიმწოდებელი“, რომელიც ახორციელებს „მომსახურების“ მიწოდებას, „ხელშეკრულების“ პირობების გათვალისწინებით;
 - 1.1.7. „მომსახურება“ – „ხელშეკრულების“ მე-2 მუხლით გათვალისწინებული შესყიდვის ობიექტი;
 - 1.1.8. „ტექნიკური დოკუმენტაცია“ – „მიმწოდებლის“ მიერ წარმოდგენილი ტექნიკური დოკუმენტაცია და ფასების ცხრილი, რომელიც შეესაბამება სატენდერო დოკუმენტაციით გათვალისწინებულ მოთხოვნებს, წარმოადგენს „ხელშეკრულების“ განუყოფელ ნაწილს და რომლის ნამდვილობაზეც პასუხს აგებს „მიმწოდებელი“ საქართველოს მოქმედი კანონმდებლობის შესაბამისად;
 - 1.1.9. „ინსპექტირება“ – „ხელშეკრულების“ პირობების შესრულების კონტროლი და ზედამხედველობა;

2. ხელშეკრულების საგანი

- 2.1. სსიპ „სასწრაფო სამედიცინო დახმარების ცენტრის“ მიერ სასწრაფო სამედიცინო დახმარების ცენტრის (CPV85100000) გამარტივებული ელექტრონული ტენდერის (SPA _____) საშუალებით შესყიდვა.
- 2.2. „მომსახურების“ დეტალური აღწერა, რაოდენობა, ტექნიკური მახასიათებლები, ღირებულება და საგარანტიო პირობები, რომელიც „მიმწოდებლის“ მიერ წარმოდგენილ იქნა გამარტივებული ელექტრონულ ტენდერში (SPA _____), მოცემულია დანართის სახით.

3. ხელშეკრულების ღირებულება

- 3.1. „ხელშეკრულების“ საერთო ღირებულება შეადგენს _____ ლარს.
- 3.2. „ხელშეკრულების“ საერთო ღირებულება მოიცავს „მიმწოდებლის“ მიერ „ხელშეკრულებით“ ნაკისრი ვალდებულებების შესრულებასთან დაკავშირებულ „მიმწოდებლის“ ყველა ხარჯსა და საქართველოს კანონმდებლობით გათვალისწინებულ გადასახადებს.
- 3.3. დანართში მითითებული „მომსახურების“ რაოდენობა არ წარმოადგენს სავალდებულო შესასყიდ ოდენობას. „მომსახურების“ რაოდენობის შემცირება არ გამოიწვევს ერთეულის ფასის ცვლილებას, მხოლოდ შემცირდება „ხელშეკრულების“ 3.1 პუნქტით გათვალისწინებული ხელშეკრულების საერთო ღირებულება.

4. მომსახურების მიწოდების პირობები:

- 4.1. მომსახურების მიწოდების ვადა:
 - 4.1.1. „მომსახურების“ მიწოდების ვადაა 2017 წლის 1 იანვრიდან 2017 წლის 31 მარტის ჩათვლით.
 - 4.1.2. „მიმწოდებელმა“ უნდა უზრუნველყოს „მომსახურების“ მიწოდება უწყვეტად, 24 საათის განმავლობაში.
- 4.2. მომსახურების მიწოდების ადგილი:
 - 4.2.1. „მომსახურების“ მიწოდების ადგილია: დაბა ბაკურიანში კოხტასა და მიტარბის, სვანეთში თეთნულდისა და აჭარაში კურორტ გოდერძის სამთო-სათხილამურო კურორტები.

5. მომსახურების მიღება-ჩაბარების წესი

- 5.1. შესყიდვის ობიექტის მიღება-ჩაბარება განხორციელდება „შემსყიდველისა“ და „მიმწოდებლის“ უფლებამოსილი წარმომადგენლების მიერ შესაბამისი მიღება-ჩაბარების აქტ(ებ)ის გაფორმებით.
- 5.2. „შემსყიდველის“ მხრიდან მიღება-ჩაბარების აქტ(ებ)ის გაფორმებაზე უფლებამოსილ პირს წარმოადგენს სსიპ „სასწრაფო სამედიცინო დახმარების ცენტრის“ _____

6. ანგარიშსწორება

6.1. „მომსახურების“ ღირებულების ანაზღაურება მოხდება უნაღდო ანგარიშსწორებით, ეროვნულ ვალუტა - ლარში.

6.2. ანგარიშსწორება „შემსყიდველის“ მიერ მოხდება „მომსახურების“ მიწოდების თაობაზე მხარეთა შორის შესაბამისი მიღება-ჩაბარების აქტ(ებ)ის გაფორმებიდან და „მიმწოდებლის“ მიერ საქართველოს კანონმდებლობით გათვალისწინებული შესაბამისი საგადასახადო დოკუმენტაციის წარდგენიდან არაუგვიანეს 10 (ათი) დღის განმავლობაში.

6.3. მიღება-ჩაბარების აქტ(ებ)ის გაფორმებასთან ერთად, „მიმწოდებელი“ ვალდებულია წარმოუდგინოს „შემსყიდველს“ საქართველოს კანონმდებლობით გათვალისწინებული შესაბამისი საგადასახადო დოკუმენტაცია, წინააღმდეგ შემთხვევაში, „შემსყიდველს“ უფლება აქვს უარი თქვას ანგარიშსწორებაზე.

7. მხარეთა ვალდებულებები და უფლებები

7.1. „მიმწოდებელი“ ვალდებულია:

7.1.1. უზრუნველყოს „შემსყიდველისათვის“ „მომსახურების“ მიწოდება დროულად და ხარისხიანად;

7.1.2. უზრუნველყოს „შემსყიდველის“ მიერ ინსპექტირებისას გამოვლენილი დეფექტებისა და ნაკლოვანებების აღმოფხვრა დაუყოვნებლივ, საკუთარი ხარჯით.

7.1.3. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

7.2. „ხელშეკრულების“ გაფორმების შემდეგ „მიმწოდებელს“ არ აქვს უფლება „ხელშეკრულებით“ ნაკისრი ვალდებულებები განახორციელოს ქვეკონტრაქტორის მეშვეობით „შემსყიდველის“ წინასწარი წერილობითი თანხმობის გარეშე, ამასთანავე, „მიმწოდებელს“ უფლება არ აქვს მთლიანად ან ნაწილობრივ, „შემსყიდველის“ წერილობითი თანხმობის გარეშე, გადასცეს მესამე პირს „ხელშეკრულებით“ მისთვის მინიჭებული უფლება-მოვალეობანი.

7.3. „შემსყიდველი“ ვალდებულია:

7.3.1. მოახდინოს ანგარიშსწორება „მიმწოდებელთან“ ხელშეკრულების პირობების შესაბამისად;

8. მხარეთა უფლება

8.1. „მიმწოდებელს“ უფლება აქვს:

8.1.1. „ხელშეკრულების“ ფარგლებში მოითხოვოს დროული და სრული დაფინანსება.

8.2. „შემსყიდველს“ უფლება აქვს:

8.2.1. ცალმხრივად შეწყვიტოს ხელშეკრულების მოქმედება იმ შემთხვევაში, თუ „მიმწოდებელი“ ვერ უზრუნველყოფს ხელშეკრულებით ნაკისრი ვალდებულებების ჯეროვან შესრულებას. ხელშეკრულება ცალმხრივად შეწყვეტილად ითვლება, აღნიშნულის შესახებ, მიმწოდებლისადმი გაგზავნილ წერილობით შეტყობინებაში მითითებული ვადიდან.

9. ხელშეკრულების ინსპექტირება

9.1. „შემსყიდველი“ უფლებამოსილია ნებისმიერ დროს განახორციელოს „მიმწოდებლის“ მიერ „ხელშეკრულების“ შესრულების ინსპექტირება, რისთვისაც გამოყოფს უფლებამოსილ პირ(ებ)ს, ხოლო „მიმწოდებელი“ ვალდებულია ხელი შეუწყოს მას/მათ ინსპექტირების განხორციელებაში.

9.2. ინსპექტირებას განახორციელებს სსიპ „სასწრაფო სამედიცინო დახმარების ცენტრის“

9.3. ინსპექტირების განამახორციელებელი პირ(ებ)ის უფლება-მოვალეობები:

9.3.1. „მიმწოდებლის“ მიერ „ხელშეკრულებით“ ნაკისრი ვალდებულებების ხარისხისა და მიწოდების ვადების „ხელშეკრულების“ მოთხოვნებთან შესაბამისობის დადგენის მიზნით, სათანადო კონტროლის/ზედამხედველობის განხორციელება.

10. ფორს-მაჟორი

10.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

10.2. ამ ხელშეკრულებაში „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული „შემსყიდველისა“ და/ან „მიმწოდებლის“ შეცდომებთან და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და „მომსახურების“ მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.

10.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე

მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

11. **ხელშეკრულების პირობების გადასინჯვა**

11.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია წინასწარ. ამავე დროს “შემსყიდველი” არ არის ვალდებული წარუდგინოს “მიმწოდებელს” რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

11.2. ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

11.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების საერთო ღირებულების 10%-ზე მეტი ოდენობით გაზრდა.

11.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დამატებითი შეთანხმების სახით, რომელიც ჩაითვლება ხელშეკრულების განუყოფელ ნაწილად.

12. **ხელშეკრულების შესრულების შეფერხება**

12.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ 10 (ათი) დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო „მხარეები“ შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

13. **ხელშეკრულების პირობების შეუსრულებლობა**

13.1. ხელშეკრულებით ნაკისრი ვალდებულებების შეუსრულებლობის, არაჯეროვნად შესრულების ან/ და შესრულების ვადების გადაცდენის შემთხვევაში „მხარეებს“ ეკისრება „პირგასამტეხლო“ შეუსრულებელი ვალდებულების 0,2%-ის ოდენობით, ყოველ ვადაგადაცილებულ დღეზე გაანგარიშებით.

13.2. „პირგასამტეხლოს“ გადახდა უნდა განხორციელდეს „მხარის“ მიერ მეორე „მხარისადმი“ გაგზავნილ შესაბამის წერილში მითითებული ვადიდან არაუგვიანეს 15 (თხუთმეტი) დღის განმავლობაში.

13.3. საჯარიმო სანქციების გადახდა „მხარეებს“ არ ათავისუფლებს ძირითადი ვალდებულებების შესრულებისაგან.

13.4. იმ შემთხვევაში თუ „მიმწოდებელზე“ დაკისრებული პირგასამტეხლოს ჯამური თანხა გადაჭარბებს „ხელშეკრულების“ ღირებულების 10%-ს, „შემსყიდველი“ უფლებამოსილია შეწყვიტოს „ხელშეკრულება“ და მოსთხოვოს „მიმწოდებელს“ შესაბამისი პირგასამტეხლოს გადახდა.

14. **სადაო საკითხების გადაწყვეტა**

14.1. “შემსყიდველმა” და “მიმწოდებელმა” ყველა ღონე უნდა იხმარონ, რათა პირდაპირი მოლაპარაკებების პროცესში შეთანხმებით მოაგვარონ ყველა უთანხმოება და დავა, რომელიც წარმოიშობა ხელშეკრულების პირობების შესრულებასთან დაკავშირებით.

14.2. თუ ასეთი მოლაპარაკების დაწყებიდან 10 (ათი) დღის განმავლობაში “შემსყიდველი” და “მიმწოდებელი” ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს შესაბამის სასამართლოს.

15. **ხელშეკრულების შეწყვეტა**

15.1. “შემსყიდველი” უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან საქართველოს კანონმდებლობით დადგენილ სხვა შემთხვევებში.

15.2. „ხელშეკრულების“ ცალკეული პირობების მოქმედების შეწყვეტა არ ათავისუფლებს “მიმწოდებელს” ხელშეკრულებით განსაზღვრული ვალდებულებების შესრულებისაგან.

15.3. „ხელშეკრულება“ აგრეთვე შეიძლება შეწყდეს მხარეთა წერილობითი შეთანხმების საფუძველზე.

16. **ხელშეკრულების შესრულება**

16.1. „ხელშეკრულება“ შესრულებულად ჩაითვლება „შემსყიდველის“ მიერ „ხელშეკრულების“ მე-6 მუხლით გათვალისწინებული პირობების შესრულების შემდეგ.

17. **ხელშეკრულების მოქმედების ვადა**

- 17.1. წინამდებარე „ხელშეკრულება“ ძალაში შედის მხარეთა მიერ ხელმოწერისთანავე.
- 17.2. „ხელშეკრულების“ მოქმედების ვადა განისაზღვრება 2017 წლის 31 მაისის ჩათვლით.
- 18. **განსაკუთრებული პირობები**
- 18.1. ხელშეკრულება შედგენილია 3 ეგზემპლარად, რომელთაც გააჩნიათ თანაბარი იურიდიული ძალა.
- 18.2. ხელშეკრულების ერთი ეგზემპლარი ინახება - „მიმწოდებელთან“, ხოლო ორი - „შემსყიდველთან“.
- 19. **მხარეთა რეკვიზიტები**

„შემსყიდველი“

„მიმწოდებელი“

4. დამატებითი დოკუმენტაცია

1. სატენდერო წინადადების ღირებულება უნდა მოიცავდეს ამ ტენდერით გათვალისწინებულ შესყიდვასთან დაკავშირებულ ყველა ხარჯსა და კანონმდებლობით გათვალისწინებულ გადასახადებს გარდა დღგ-ის. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას.
2. სატენდერო წინადადების ღირებულება (ერთეულის და საერთო ფასი) წარმოდგენილი უნდა იყოს ეროვნულ ვალუტაში - ლარში.
3. მოსაწოდებელი მომსახურების ღირებულების დაფარვა მოხდება ტენდერში გამარჯვებულ პირსა და სსიპ „სასწრაფო სამედიცინო დახმარების ცენტრს“ შორის, გაფორმებული სახელმწიფო შესყიდვის შესახებ ხელშეკრულების პირობების შესაბამისად. მომსახურების შესაძენად საფინანსო (საბიუჯეტო) წლისათვის გამოყოფილი ასიგნებებისა და არსებული მოთხოვნის შესაბამისად.
4. „მიმწოდებელი“ ვალდებულია გაეცნოს და დაეთანხმოს აფიდავიტის პირობებს, რა სახითაც იგი წარმოდგენილი იქნება სახელმწიფო შესყიდვების ერთიან ელექტრონულ სისტემაში, სატენდერო წინადადების წარდგენამდე. აფიდავიტის საილუსტრაციო ფორმა მოცემულია დანართ №3-ში. დანართი №3-ით გათვალისწინებული აფიდავიტის ფორმა დოკუმენტაციაში წარმოდგენილია მხოლოდ საილუსტრაციო მიზნებისთვის. აფიდავიტის პირობებზე დათანხმება ხდება ერთიან ელექტრონულ სისტემაში ელექტრონულად შესაბამის ღილაკზე დაჭერით.
5. სატენდერო დოკუმენტაციის შესახებ დამატებითი ინფორმაციის მიღება დაინტერესებულ პირებს შეუძლიათ წერილობითი მომართვის შემდეგ სატენდერო კომისიის აპარატში, მისამართზე: თბილისი, აკ. წერეთლის გამზ. N117, II სართული, სსიპ „სასწრაფო სამედიცინო დახმარების ცენტრის“ ეკონომიკური დეპარტამენტი.

საკონტაქტო პირები:

598380780 ნინო გამრეკელი;

591220054 კონსტანტინე ჩხოლარია;

599420222 ლევან თავაძე;

დანართი №1

1. რეკვიზიტები:

პრეტენდენტის იურიდიული ფორმა და დასახელება: _____

ხელმძღვანელის/ან უფლებამოსილი პირის სახელი და გვარი: _____

პრეტენდენტის იურიდიული ან/და ფაქტიური მისამართი: _____

პრეტენდენტის ტელეფონის ნომერი: _____

საიდენტიფიკაციო კოდი: _____

ბანკი და ბანკის კოდი: _____

ანგარიშსწორების ანგარიში: _____

2. ქვეკონტრაქტორი: *(არსებობის შემთხვევაში)*

ქვეკონტრაქტორის იურიდიული ფორმა და დასახელება: _____

ხელმძღვანელის/ან უფლებამოსილი პირის სახელი და გვარი: _____

იურიდიული ან/და ფაქტიური მისამართი: _____

ტელეფონის ნომერი: _____

2. ანგარიშსწორების პირობები:

ანგარიშსწორება მოხდება უნაღდო ანგარიშსწორების გზით, მიღება-ჩაბარების აქტისა და შესაბამისი საგადასახადო დოკუმენტაციის წარდგენიდან არაუგვიანეს 10 (ათი) სამუშაო დღის ვადაში. საავანსო ანგარიშსწორება არ გამოიყენება.

3. პრეტენდენტის სატენდერო წინადადება ძალაშია სახელმწიფო შესყიდვების ერთიან ელექტრონულ სისტემაში წინადადებების მიღების დაწყების თარიღიდან „გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ჟ“, „რ“ ან „ტ“ ქვეპუნქტებით გათვალისწინებული ეტაპის დადგომამდე.

ხელმოწერა: ბეჭედი *(არსებობის შემთხვევაში)* _____

(მიმწოდებლის უფლებამოსილი პირის სახელი, გვარი) _____

დანართი №2

ფასების ცხრილი

_____ 2016 წელი
(შევსების თარიღი)

_____ სატენდერო წინადადების ფასი _____ (_____) ლარად.
(პრეტენდენტის დასახელება); (თანხა ციფრებით); (თანხა სიტყვიერად);

#	ტენდერით გამოცხადებული მომსახურების დასახელება	ერთ. თვის ღირებულება (ლარი)	მთლიანი ღირებულება (ლარი)	მიწოდების ადგილი	მიწოდების ვადა
	1	2	3	4	5
1					

შენიშვნა:

- გრაფები ივსება პრეტენდენტის მიერ.

პრეტენდენტის ხელმოწერა _____

/ _____ /

ხელმომწერის სახელი, გვარი

დანართი №3
აფიდავიტის საილუსტრაციო ფორმა

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად, ასევე ვადასტურებ, რომ:

- * ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;
- * უფლებამოსილი ვარ პრეტენდენტის მიერ, ხელი მოვაწერო ამ აფიდავიტს და წარვადგინო ეს სატენდერო წინადადება;
- * ნებისმიერი პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;
- * ჩემთვის ცნობილია, რომ ტერმინი „კონკურენტი“ აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;
- * მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:
 - სატენდერო წინადადების ფასი;
 - სატენდერო წინადადების ფასის გამოთვლის მეთოდი, კოეფიციენტი ან ფორმულა;
 - სატენდერო წინადადების წარდგენა ან წარდგენისგან თავის შეკავება;
 - ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
 - შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;
- * სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.

გავცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.